

四庫全書

經部

按：本冊原書於抗戰播遷中曾遭水漬，致字跡模糊不清，茲雖力經描修版面，仍無法全復舊觀。

# 欽定四庫全書

經部

禮書綱目卷十五至

六

詳校官監察御史<sub>臣</sub>左周

給事中<sub>臣</sub>溫常綬覆勘

總校官進士<sub>臣</sub>何思鈞

校對官中書<sub>臣</sub>金光悌

謄錄監生<sub>臣</sub>張鈞

欽定四庫全書

禮書綱目卷十五

婺源江永撰

王朝邦國遣使禮

賓禮五

補

大宗伯以賓禮親邦國時聘曰問殷頤曰視

時聘者亦無常期天

子有事乃聘之焉竟外之臣既非朝歲不敢瀆為小禮殷頤謂一服朝之歲以朝者少諸侯乃使卿以大禮衆

聘焉一服朝在元年七年十一年春官

大行人掌大賓之禮及大客之

儀以親諸侯

大客謂孤卿

時聘以結諸侯之好殷頤以除邦

國之憲

此二事者亦以王見諸侯之臣使來者為文也時聘者亦無常期天子有事諸侯使大夫來聘

親以禮見之禮而遣之所以結其思好也天子無事則已殷頌謂一服朝之歲也憲猶惡也一服朝之歲五服諸侯皆使卿以聘禮來頌天子天子以禮見之命以政禁之事所以除其惡行秋官

諸侯之

於天子也比年一小聘三年一大聘

比年每歲也小聘使大夫大聘使卿

王制詳見觀禮

典瑞瑒圭璋璧琮繅皆二采一就以覲聘

璋以聘后夫人以琮享之也大夫衆來曰覲寡來曰聘鄭司農云瑒有所鄂瑒起春官

玉人瑒

圭璋八寸璧琮八寸以覲聘

瑒文飾也覲視也聘問也衆來曰覲特來曰聘聘禮

曰凡四器者唯其所寶以聘可也考工記

案十有二寸棗棗大夫純五

夫人以勞諸侯

詳見  
觀禮

凡賓客卿有大夫訝大夫有士

訝士皆有訝

此謂聘問之日王所使迎賓  
客于館之訝  
秋官掌訝

司几筵筵

國賓于牖前莞筵紛純加緇席畫純左彤几

國賓諸侯  
來朝孤卿

大夫來聘朝者雕几  
聘者彤几  
春官

凡大國之孤執皮帛以繼小國

之君出入三積不問壹勞朝位當車前不交擯廟中無

相以酒禮之其他皆眡小國之君

此以君命來聘者也  
孤尊既聘享更自以

其贊見執束帛而已豹皮表之以為飾繼小國之君言  
次之也朝聘之禮每一國畢乃前不交擯者不使介傳  
辭交于王之擯親自對擯者也廟中無相介皆入門西  
上而立不前相禮者聘之介是與以酒禮之酒謂齊酒

也和之不用鬱也耳其他謂貳車及介牢凡諸侯之卿  
禮賓主之間擯者將帶裸醵饗食之數

其禮各下其君二等以下及其大夫士皆如之此亦以君命來

聘者也所下其君者介與朝位賓主之間也其餘則自  
以其爵聘義曰上公七介侯伯五介子男三介是謂使

卿之聘之數也朝位則上公七十步侯  
伯五十步子男三十步與大行人凡諸侯之卿

大夫士為國客則如其介之禮以待之言其特來聘問待之禮如其為

介時也然則聘禮所以禮賓是亦禮介秋官掌客小行人掌邦國賓客之禮

籍以待四方之使者禮籍各位尊卑之書使者諸侯之使臣來者也令諸侯春

入貢秋獻功王親受之各以其國之籍禮之貢六服所貢也功考

績之功也秋獻之若令計文書斷于九月其舊法

凡四方之使者大客則擯小

客則受其幣而聽其辭

擯者擯而見之王使得親言也受其幣者受之以入告其所為

來之事

秋官

別國之大夫入天子之國曰某士

亦謂諸侯之卿也三

命以下于天子為士曰某士者若晉韓起聘于周擯者曰晉士起

自稱曰陪臣某

陪重也

禮曲

次國之上卿位當大國之中中當其下下當其上

大夫小國之上卿位當大國之下卿中當其上大夫下

當其下大夫

此諸侯使卿大夫親聘並會之序也其位爵同小國在下爵異固在上耳

其有

中士下士者數各居其上之三分

謂其為介若特行而並會也居猶當也此

據大國而言大國之士為上次國之士為中小國之士為下士之數國皆二十七人各三分之一上九中九下九以位相當則次國之上士當大國之中中當其下小國之上士當大國之下凡非命士亦無出會之事春秋傳謂士為微王制

小司徒小賓客令野修道委積

小賓客諸侯之使臣

地也官

大行人若有四方之大事則受其幣聽其辭

四方

之大事謂國有兵寇諸侯來告急者禮動不虛皆有贄幣以崇敬也受之以其事入告王也聘禮曰若有言則以束帛如享禮秋官 小臣小賓客掌事如太僕之灋

夏官

候

人若有方治則帥而致于朝及歸送之于竟

方治其方來治國事

者也春秋傳曰晉欒盈過周玉使候人出諸轅轅是其送之同上

象胥掌蠻夷閩貉



戎狄之國使掌傳王之言而諭說焉以和親之

謂蕃國之臣來

類聘者

凡軍旅會同受國客幣而賓禮之

謂諸侯以王有軍旅之事使臣

奉幣來問

秋官

言謚曰類

使大夫行象聘問之禮也言謚者序其行及謚所宜其禮亡

禮曲

右邦國遣使于王朝

凡周禮通言賓客之事客謂諸侯聘問之臣詳見覲禮篇

此不別出當於彼篇考之

晉韓宣子聘于周王使請事

問何事來

聘對曰晉士起將歸時事於宰旅無他事矣

起宣子名

禮諸侯大夫入天子國稱士時事四時貢職宰旅冢宰之下士言獻職貢于宰旅不敢斥尊

王

聞之曰韓氏其昌阜於晉乎辭不失舊

阜大也傳言周衰諸

侯莫能如禮唯韓起不失舊襄二十六年左氏傳

王使來徵聘

徵召也言周徵

也徵聘不書徵加諷諭不指斥

孟獻子聘于周王以為有禮厚賄

之

宣九年左氏傳

晉羊舌肸聘于周發幣于大夫及單

靖公靖公享之儉而敬賓禮贈餞視其上而從之

燕無私送不過郊語說昊天有成命

國語周語注見饗食燕

記篇

大行人間問以諭諸侯之志歸脤以交諸侯之福賀慶

以贊諸侯之喜致禮以補諸侯之裁

此四者王使臣於諸侯之禮也間問

者間歲一問諸侯謂存省之屬諭諸侯之志者諭言語書名其類也交或往或來者也贊助也致禮凶禮

之弔禮禮也補諸侯災者若春秋澶淵之會謀歸宋財王之所以撫邦國諸侯者

歲徧存三歲徧覲五歲徧省七歲屬象胥諭言語協辭

命九歲屬瞽史諭書名聽聲音十有一歲達瑞節同度

量成牢禮同數器修灋則

撫猶安也存順省者王使臣於諸侯之禮所謂間問也歲

者巡狩之明歲以為始也屬猶聚也自五歲之後遂間歲徧省也七歲省而召其象胥九歲省而召其瞽史皆

聚于天子之宮教習之也故書協辭命作叶詞命鄭司農云象胥譯官也叶當為叶詞當為辭書或為叶辭命

玄謂胥讀為誦王制曰五方之民言語不通嗜慾不同達其志通其欲東方曰寄南方曰象西方曰狄鞮北方曰譯此官正為象者周始有越重譯而來獻是因通言語之官為象誦云誦謂象之有才知者也辭命六辭之命也瞽樂師也史大史小史也書名書之字也古曰名聘禮曰百名以上至十一歲又編省焉度丈尺也量豆區釜也數器銓衡也法八法也則八則也達同成修皆謂齋其法式行至則齊等之也成平也平其僭踰者也

官 秋

典瑞珍圭以徵守以恤凶荒

杜子春曰珍當為鎮書亦或為鎮以

徵守者以徵召守國諸侯若今時徵郡守以竹使符也鎮者國之鎮諸侯亦一國之鎮故以鎮圭徵之也凶荒則民有遠志不安其土故以鎮圭鎮安之玄謂珍圭王使之瑞節制大小當與琬琰相依王使人徵諸侯憂凶荒之國則授之執以往致王命焉如今時使者持節矣恤者閭府庫振救之凡瑞節歸又執以反命穀圭

以和難

穀圭亦王使之瑞節穀善也其飾若粟文然難仇讐和之者若春秋宣公及齊侯平莒及鄭晉

侯使瑕嘉

平戎于王琬圭以治德以結好琬圭亦王使之瑞節諸

侯使大夫來聘既而為壇會之使大夫執以命事焉大

行人職曰時聘以結諸侯之好鄭司農云琬圭無鋒芒

故治德

以結好琬圭以易行以除慝琬圭亦王使之瑞節鄭司

伐誅討之象故以易行以除慝易惡行令為善者以此圭賁讓諭告之也玄謂除慝亦于諸侯使大夫來覲既

而使大夫執而命事于壇大行人職曰殷規以除邦國之慝春官

玉人琬圭九寸而

纁以象德

琬猶園也王使之瑞節也諸侯有德王琬圭命賜之使者執琬圭以致命焉纁藉也琬圭

九寸判規以除慝以易行

凡圭琬上寸半琬圭琬半以

義使者征之執以為瑞節也除惡  
除惡逆也易行去煩苛考工記

司士作士適四方

使為介

士使謂自以王命使也介大夫之介也  
春秋傳曰天王使石尚來歸脤夏官

虎賁

氏適四方使則從士大夫

虎士從使者

若道路不通有徵事

則奉書以使于四方

不通達兵寇若泥水奉書徵師役  
也春秋隱七年冬戎伐凡伯于楚

丘以歸

同上

內府凡適四方使者共其所受之物而奉之

王所以適諸  
侯者天官

校人凡國之使者共其幣馬

使者所用  
私覲夏

官

小行人使適四方協九儀賓客之禮朝覲宗遇會

同君之禮也存覲省聘問臣之禮也

適之也  
協合也

達天下之

六節成六瑞

並詳名器下篇

合六幣

詳諸侯相朝篇

若國札喪則令賻

補之若國凶荒則令賙委之若國師役則令槁禴之若

國有福事則令賀慶之若國有禍裁則令哀弔之凡此

五物者治其事故

故書賻作傳槁為藁鄭司農云賻補之謂賻喪家補助其不足也若今時

一室二戶則官與之棺也藁當讀為槁謂槁師也玄謂師役者國有兵寇以置病者也使隣國合會財貨以與之春秋定五年夏歸粟于蔡是也宗伯職曰以檜禮哀圍敗禍裁水火

及其萬民之利害

為一書其禮俗政事教治刑禁之逆順為一書其悖逆

暴亂作慝猶犯令者為一書其札喪凶荒厄貧為一書

其康樂和親安平為一書凡此五物者每國辨異之以

反命于王以周知天下之故

惡也猶圖秋官

行夫掌邦

國傳遽之小事媿惡而無禮者凡其使也必以旌節雖

道有難而不時必達

傳遽若今時乘傳騎驛而使者也美福慶也惡喪荒也此事之小者

無禮行夫主使之道有難謂遭疾病他故不以時至也必達王命不可廢也其大者有禮大小行人使之有故

則介傳命不嫌不達

居於其國則掌行人之勞辱事焉使則介之

使謂大小行人也故書曰夷使鄭司農云夷使使於四夷則使行夫主為之介玄謂夷發聲同上

右王朝遣使于邦國 定王使單襄公聘于宋

單襄



公王卿士單朝也聘問也問遂假道於陳以聘于

楚

假道自宋適楚經陳也是時天子微弱故以諸侯相聘之禮假道也聘禮若過國至于境使次

介假道東帛將命于廟

候不在疆

候候人也掌送迎賓客者疆境也

司空不

視塗

司空卿官掌道路也

膳宰不致餼

膳宰膳夫也掌賓客之牢禮生曰餼

司

里不授館

司里里宰也掌授客館

國無寄寓

寓亦寄也無寄寓者不為廬舍

可以寄羈旅之客

縣無施舍

四面為縣縣方六十里施舍者所以施舍賓客負任之處

單子歸告王曰陳侯不有大咎國必亡周之秩官

有之

秩官周常官篇名

曰敵國賓至關尹以告

敵位敵也關尹司關

掌四方賓客叩關則為之告聘禮曰及境謁關人關人問從者幾人遂以入境行理以節

逆之

理吏也逆迎也執瑞節為信而迎之也行理小行人

候人為導

導賓至于朝出

送之

卿出郊勞

聘禮曰賓至于近郊君使卿朝服用束帛勞

門尹除門

門尹司門也除門埽除門處也

宗祝執祀

宗宗伯祝太祝也執祀賓將有事於廟則宗祝

執祭祀之禮

司里授館

司里授客所當館次於鄉也聘禮卿致館

司徒具徒

具徒役修道之委積

司空視塗

視險易也

司寇詰姦

詰姦盜

虞人

入材

虞人掌山澤之官祭祀賓客各供其材

甸人積薪

甸人掌薪蒸之官也

火

師監燎

火師司火燎庭燎也

水師監濯

水師掌水監滌濯之事者

膳宰致

饗

熟食曰饗

廩人獻餼

生曰餼木末也

司馬陳芻

司馬掌師圉人養馬故陳

芻圉人職屬司馬

工人展車

展省客車補傷敗也

百官官以物至賓

入如歸是故小大莫不懷愛

小大謂賓介也

其貴國之賓

至則以班加一等益虔

貴國大國也班次也

至于王使則皆

官正蒞事

正長也蒞臨也

上卿監之

監視也

今雖朝也不才

有分族於周

朝單子之名有分族王之親族也

承王命以為過賓

於陳

假道為過賓

而司事莫至是蔑先王之官也

蔑欺也

國語  
周語

諸侯相朝禮

賓禮六

補

凡諸侯之邦交世相朝也

父死子立曰世凡君即位大國朝焉小國聘焉此皆所以

習禮考義正刑一德以尊天子也必擇有道之國而就修之

秋官大行人 諸侯相見必

告于禰

道近或可以不親告祖

朝服而出視朝

朝服為事故也

命祝史告

于五廟所過山川

諸侯五廟山川所不過則不告貶于適天子也

亦命國家五

官道而出反必親告于祖禰乃命祝史告至于前所告

者而後聽朝而入

五官五大夫典事者命者勅之以其職道祖道也反必親告祖禰同出入

禮  
子問 曾

司儀凡諸公相為賓

謂相朝也

主國五積三問皆

三辭拜受皆旅擯再勞三辭三揖登拜受拜送

賓所止則積問

問則問行道則勞其禮皆使卿大夫致之從來至去數  
如此也三辭辭其以禮來於外也積問不言登受之于  
庭也鄭司農云旅讀為旅于泰山之旅謂九人傳辭相  
授于上下竟問賓從末上行介還受上傳之玄謂旅讀  
為鴻臚之臚臚陳之也賓之介九人使者七人皆陳擯  
位不傳辭也賓之上介出請使者則前對位皆當其末  
擯焉三揖謂庭中  
時也拜送送使者

主君郊勞交擯三辭車逆拜辱三揖

三辭拜受車送三還再拜

主君郊勞備三勞而親之也鄭司農云交擯三辭謂賓主

之擯者俱三辭也車逆主入以車迎賓于館也拜辱賓  
拜謝辱也玄謂交擯者各陳九介使傳辭也車迎拜辱

者賓以主君親來乘車出舍門而迎之若欲遠就之然見之則下拜迎謝其自屈辱來也至去又出車若欲遠送然主君三還辭之乃再拜送之也車送迎之節各以其等則諸公九十步立當車軹也三辭重者先辭辭其以禮來于外致館亦如之館舍也使大夫授之致殯如後辭辭升堂君又以禮親致焉

致積之禮

俱使大夫禮同也殯食也小禮曰殯大禮曰饗餼

及將幣交擯三辭

車逆拜辱賓車進答拜三揖三讓每門止一相及廟唯

上相入賓三揖三讓登再拜授幣賓拜送幣每事如初

賓亦如之及出車送三請三進再拜賓三還三辭告辟

鄭司農云交擯擯者交也賓車進答拜賓上車進主人乃答其拜也及出車送三請主人三請留賓也三進進

隨賓也賓三還三辭告辟賓三還辭謝言已辟去也玄  
謂既三辭主君則乘車出大門而迎賓見之而下拜其  
辱賓車乃前下答拜也三揖者相去九十步揖之使前  
也至而三讓讓入門也相謂主君擯者及賓之介也謂  
之相者於外傳辭耳入門當以禮詔侑也介紹而傳命  
者君子于其所尊不敢質敬之至也每門止一相彌相  
親也君入門介拂闌大夫中振與闌之間士介拂振此  
為介鴈行相隨也止之者絕行在後耳賓三揖三讓讓  
升也登再拜授幣授當為受主人拜至且受玉也每事  
如初謂享及有言也賓當為儗謂以鬱鬯禮賓也上于  
下曰禮敵者曰儗禮器曰諸侯相朝灌用鬱鬯無蓬豆  
之薦謂此朝禮畢儗賓也三請三進請賓就車也主君  
每一請車一進欲遠送之也三還  
三辭主君一請者賓亦一還一辭

致饗餼還主饗食致

贈郊送皆如將幣之儀

此六禮者唯饗速賓耳其餘主  
君親往親往者賓為主人主人

為賓君如有故不親饗食則使大夫以酬幣侑幣致之  
鄭司農云還圭歸其玉也故公子重耳受飧及璧玄謂  
聘以圭璋禮也享以璧琮財也已聘而還圭賓之拜禮  
璋輕財而重禮贈送以財既贈又送至于郊賓之拜禮  
拜饗餼拜饗食鄭司農云賓之拜禮者因言賓所當拜  
謂賓將去就朝拜謝此三禮三禮禮之重者賓繼主君  
也賓既拜主君乃至館贈之去又送之于郊賓繼主君

皆如主國之禮

鄭司農云賓繼主君復主人之禮賓也  
故曰皆如主國之禮玄謂繼主君者僨

主君也僨之者主君郊勞致館饗餼還圭致贈郊送之  
時也如其禮者謂玉帛皮馬也有饌陳之積者不如也  
若饗食主君諸侯諸伯諸子諸男之相為賓也各以其  
及燕亦連焉禮相待之儀與諸公同也饗  
禮相待也如諸公之儀賓主相待之儀與諸公同也饗  
餼饗食之禮則有降殺秋官



掌客凡諸侯之禮上公五積皆眡殮牽三問皆修羣  
介行人牢宰皆有牢殮五牢食四十簋十豆四十鉶四  
十有二壺四十鼎簋十有二牲三十有六皆陳饗餼九  
牢其死牢如殮之陳牽四牢米百有二十筥醯醢百有  
二十饗車皆陳車米眡生牢牢十車車秉有五簋車禾  
眡死牢牢十車車三秬芻薪倍禾皆陳秉禽日九十雙  
殷膳大牢以及歸三饗三食三燕若弗酌則以幣致之  
凡介行人牢史皆有殮饗餼以其爵等為之牢禮之陳

數唯上介有禽獻夫人致禮八壺八豆八籩膳大牢致饗大牢食大牢卿皆見以羔膳大牢侯伯四積皆眡殮牽再問皆脩殮四牢食三十有二簋八豆三十有二鉶二十有八壺三十有二鼎簋十有二脰二十有七皆陳饗餼七牢其死牢如殮之陳牽三牢米百筥醯醢百甔皆陳米三十車禾四十車芻薪倍禾皆陳乘禽日七十雙殷膳大牢三饗再食再燕凡介行人宰史皆有殮饗餼以其爵等為之禮唯上介有禽獻夫人致禮八壺八

豆八籩膳大牢致饗大牢卿皆見以羔膳特牛子男三  
積皆眡殮牽壹問以脩殮三牢食二十有四簋六豆二  
十有四鉶十有八壺二十有四鼎簋十有二牲十有八  
皆陳饗餼五牢其死牢如殮之陳牽二牢米八十筥醯  
醢八十甕皆陳米二十車禾三十車芻薪倍禾皆陳乘  
禽日五十雙壹饗壹食壹燕凡介行人宰史皆有殮饗  
餼以其爵等為之禮唯上介有禽獻夫人致禮六壺六  
豆六籩膳眡致饗親見卿皆膳特牛

積皆視殮牽謂所  
共如殮而牽牲以

往不殺也不殺則無銅鼎簠簋之實其米實于筐豆實  
實于甕其設筐陳于楹內甕陳于楹外牢陳于門西車  
米禾芻薪陳于門外壺之有無未聞三問皆脩脯也  
上公三問皆脩下句云羣介行人宰史皆有牢君用脩  
而臣有牢非禮也蓋著脫字失處且誤耳殯客始至致  
小禮也公侯伯子男殯皆飣一牢其餘牢則腥食者庶  
饘美可食者也其設蓋陳于楹外東西不過四列簠稻  
梁器也公十簠堂上六西夾東夾各二也侯伯八簠堂  
上四西夾東夾各二子男六簠堂上二西夾東夾各二  
豆菹醢器也公四十豆堂上十六西夾東夾各十二侯  
伯三十二豆堂上十二西夾東夾各十子男二十四豆  
堂上十二西夾東夾各六禮器曰天子之豆二十有六  
諸公十有六諸侯十有二上大夫八下大夫六以聘禮  
差之則堂上之數與此同銅羹器也公銅四十二侯伯  
二十八子男十八非衰差也二十八書或為二十四亦  
非也其于衰公又當三十又為無所據依禮之大數銅

少子豆推其衰公釗四十二宜為三十八蓋近之矣則  
公釗堂上十八西夾東夾各十侯伯堂上十二西夾東  
夾各八子男堂上十西夾東夾各四壺酒器也其設于  
堂夾如豆之數鼎牲器也簋黍稷器也鼎十有二者  
一牢正鼎九與陪鼎三皆設于西階前簋十有二堂上  
八西夾東夾各二合言鼎簋者牲與黍稷俱食之主也  
牲當為腥聲之誤也腥謂腥鼎也於侯伯云腥二十有  
七其故腥字也諸侯禮盛腥鼎有鮮魚鮮腊每牢皆九  
為列設于阼階前公腥鼎三十六腥四牢也侯伯腥鼎  
二十七腥三牢也子男腥鼎十八腥二牢也皆陳陳列  
也殮門內之實備于是矣亦有車米禾芻薪公殮五牢  
米二十車禾三十車侯伯四牢米禾皆二十車子男三  
牢米十車禾二十車芻薪皆倍其禾饗餼既相見致大  
禮也大者既薦殮積有生有腥有孰餘又多也死牢如  
殮之陳亦飪一牢在西餘腥在東也牽生牢也陳于門  
西如積也米橫陳于中庭十為列每宮半斛公侯伯子

男黍梁稻皆二行公稷六行侯伯稷四行子男二行醯醢夾碑從陳亦十為列醢在碑東醢在碑西皆陳于門內者于公門內陳之也言車者衍字耳車未載米之車也聘禮曰十斗曰斛十六斗曰簋十簋曰秉每車秉有五簋則二十四斛也禾稟實并刈者也聘禮曰四秉曰筥十筥曰稷十稷曰秬每車三秬則三十稷也稷猶束也禾米之秉筥字同數異禾之秉手把耳筥讀為棟栳之栳謂一稊也皆陳橫陳門外者也米在門東禾在門西芻薪雖取數于禾薪從米芻從禾也乘禽乘行羣處之禽謂雉鴈之屬於禾薪從米芻從禾也乘禽乘行羣處念賓也若弗酌謂君有故不親饗食燕也不饗則以酬幣致之不食則以侑幣致之凡介行人宰史衆臣從賓者也行人主禮宰主具史主書皆有殮饗餼尊其君以及其臣也以其爵等為之牢禮之陳數爵卿也則殮二牢饗餼五牢大夫也則殮大牢饗餼五牢士也則殮少牢饗餼二牢也此降小禮豐大禮也以命數則參差難

等略於臣用爵而已夫人致禮助君養賓也籩豆陳於戶東壺陳于東序凡夫人之禮皆使下大夫致之於子男云膳視致饗言夫人致膳于小國君以致饗之禮則是不復饗也饗有壺酒卿皆見者見于賓也既見之又膳之亦所以助君養賓也卿見又膳此聘禮卿大夫勞賓餼賓之類與於子男云親見卿皆膳特牛見讀如卿皆見之見言卿于小國之君有不故造館見者故造館見者乃致膳鄭司農說牽云牲可牽行者也故春秋傳曰餼牽竭矣耗讀為耗

秣麻答之耗

同上

君入門介拂闕大夫中棖與

闕之閒士介拂棖

此謂兩君相見也棖門楔也君入必中門上介夾闕大夫介士介鴈行于

後示不相治也君若迎聘客擯者亦然

玉藻

公執桓圭侯執信圭伯執躬

圭繅皆三采三就子執穀璧男執蒲璧繅皆二采再就

以朝覲宗遇會同于王諸侯相見亦如之

鄭司農云亦執圭璧以相

見故邾隱公朝于魯春秋傳曰邾子執玉高其容仰春官典瑞

小行人合六幣圭以

馬璋以皮璧以帛琮以錦琥以繡璜以黼此六物者以

和諸侯之好故

合同也六幣所以享也五等諸侯享天子用璧享后用琮其大各如其瑞皆有

庭實以馬若皮皮虎豹皮也用圭璋者二王之後也二王後尊故享用圭璋而特之禮器曰圭璋特義亦通於

此其於諸侯亦用璧琮耳子男于諸侯則享用琥璜下其瑞也凡二王後諸侯相享之玉大小各降其瑞一等

及使卿大夫覲聘亦如之秋官

琬琮八寸諸侯以享夫人

獻於所朝聘君

之夫人也考工記玉人

諸侯之席三重

疏曰謂相朝時賓主皆然也尊者須溫厚故多重乃



稱也三重則四席也熊氏云三重則三席也禮器

諸侯相朝灌用鬱鬯無簋

豆之薦

灌獻也同上

凡禮賓客國新殺禮凶荒殺禮札喪

殺禮禍哉殺禮在野在外殺禮

皆為國省用愛費也國新新建國也凶荒無年

也禍哉新有兵寇水火也

曾子問曰諸侯相見揖讓入門不

得終禮廢者幾孔子曰六請問之曰天子崩大廟火日

食后夫人之喪雨雪服失容則廢

夫人君之夫曾子問

右相朝諸侯相朝之禮各執其圭瑞服其服乘

其輅建其旌旂施其樊纓從其貳車委積之以其

牢禮之數所以別義也介紹而相見君子於其所尊不敢質敬之至也君使大夫迎于境卿勞于道君親郊勞致館及將幣拜迎于大門外而廟受北面拜貺所以致敬也三讓而後升所以致尊讓也敬讓也者君子之所相接也諸侯相接以敬讓則不相侵陵也此天子之所以養諸侯兵不用而諸侯自為正之具也君親致饗既還圭饗食致贈郊送所以相與習禮樂也諸侯相與習禮樂則德行

修而不流也故天子制之諸侯務焉

大戴禮朝事儀

君

子之於禮也非作而致其情也

作起也敬非已情也所以彼

此

有由始也

官所法也

是故七介以相見也不然則已慤

三辭三讓而至不然則已憾

已猶甚也慤憾愿貌大愿則辭不見情無

由至也

禮器

朝覲大夫之私覲非禮也大夫執圭而

使所以申信也

其君親來其臣不敢私見于主國君也以君命聘則有私見

不

敢私覲所以致敬也而庭實私覲何為乎諸侯之

庭

非其與君無別

為人臣者無外交不敢貳君也

私覲是外交也

特牲

庭燎之百由齊桓公始也

僭天子也庭燎之差公蓋五十

侯伯子男皆三十同上

子太叔曰昔文襄之霸也

晉文公襄公

其務不煩諸侯令諸侯三歲而聘五歲而朝

明王之制

歲

聘閏朝今簡之昭三年左氏傳

祭伯來來者來朝也其弗謂

朝何也寰內諸侯非有天子之命不得出會諸侯

不正其外交故弗與朝也

天子畿內大夫有采地謂之寰內諸侯

聘

弓鏃矢不出竟場束脩之肉不行竟中有至尊者

不貳之也

聘遺所以結二國之好將彼我之意臣當稟命于君無私朝聘之道

隱元年

穀梁傳

隱公十一年春滕侯薛侯來朝天子無事

諸侯相朝正也考禮修德所以尊天子也

事謂巡守崩葬

兵革之事春秋穀梁傳

滕侯薛侯來朝爭長薛侯曰我先

封

薛祖奚仲夏所封在周之前

滕侯曰我周之卜正也

卜正卜官之長

薛庶姓也我不可以後之

庶姓非周之同姓

公使羽父請

於薛侯曰君與滕君辱在寡人周諺有之曰山有

木工則度之賓有禮主則擇之

擇所宜而行之

周之宗盟

異姓為後

盟載書皆先同姓例在定四年

寡人若朝于薛不敢與

諸任齒

薛任姓齒列也

君若辱貶寡人則願以滕君為請

薛侯許之乃長滕侯

左氏傳

曹大子來朝

曹伯有疾故使

其子來朝

賓之以上卿禮也

諸侯之適子未誓于天子而攝其君則以皮帛繼子

男故賓之以上卿各當其國之上卿桓九年左氏傳

文公十五年曹伯

來朝禮也諸侯五年再相朝以修王命古之制也

十一年曹伯來朝雖至此乃來亦五年左氏傳

介葛盧來朝

介東夷國也葛

盧介君名也

舍于昌行之上公在會饋之芻米禮也

嫌公

行不當致饋故曰禮也倍二十九年左氏傳

子產相鄭伯以如楚舍

不為壇

至敵國交除地封土為壇以受郊勞

外僕言曰昔先大夫相

先君適四國未嘗不為壇

外僕掌次舍者

自是至今亦皆

循之今子草舍無乃不可乎子產曰大適小則為

壇小適大苟舍而已焉用壇僑聞之大適小有五

美宥其罪戾赦其過失救其菑患賞其德刑

刑法也

教其不及小國不困懷服如歸是故作壇以昭其

功宣告後人無怠於德

怠解也

小適大有五惡說其

罪戾

自解說

請其不足行其政事

奉行大國之政

共其職貢

從其時命

從朝會之命

不然則重其幣帛以賀其福而

弔其凶皆小國之禍也焉用作壇以昭其禍所以

告子孫無昭禍焉可也

無昭禍以告子孫襄二十八年左氏傳

襄

公薨之月子產相鄭伯以如晉晉侯以我喪故未

之見也子產使盡壞其館之垣而納車馬焉士文

伯讓之曰敝邑以政刑之不脩冠盜充斥

充滿充斥言其

多無若諸侯之屬辱在寡君者何是以令吏人完

客所館

館舍也

高其閑閤

閑門也

厚其牆垣以無憂客



使

無令客使  
憂冠盜

今吾子壞之雖從者能戒其若異客

何以敕邑之為盟主繕完葺牆

葺覆也

以待賓客若

皆毀之其何以共命寡君使勾請命

請問毀垣之命

對曰

以敝邑褊小介於大國

介間也

誅求無時

誅責也

是以

不敢寧居悉索敝賦以來會時事

隨時來朝會

逢執事

之不閒而未得見又不獲聞命未知見時不敢輸

幣亦不敢暴露其輸之則君之府實也非薦陳之

不敢輸也

薦陳猶獻見也

其暴露之則恐燥濕之不時而

朽蠹以重敝邑之罪僑聞文公之為盟主也宮室

卑庠無觀臺榭以崇大諸侯之館館如公寢車廄

繕修司空以時平易道路易治也圻人以時塋館宮

室圻人塗者塋塗也諸侯賓至甸設庭燎庭燎設火於庭僕人巡

宮巡宮行夜車馬有所有所處賓從有代代客役中車脂轄

中車主車之官隸人牧圉各瞻其事瞻視客所當得百官之屬各

展其物展陳也謂羣官各陳其物以待賓公不留賓而亦無廢事

賓得速去則事不廢憂樂同之事則巡之巡行也教其不知而

恆其不足賓至如歸無寧蓄患

言見遇如此寧當復有蓄患耶無寧

寧也不畏寇盜而亦不患燥濕今銅鞮之宮數里

銅鞮

晉離宮

而諸侯舍于隸人

舍如隸人舍

門不容車而不可

踰越

門庭之內迫近又有牆垣之限

盜賊公行而矢癘不戒

癘猶災也

言水潦無時

賓見無時命不可知若又勿壞是無所藏

幣以重罪也敢請執事將何所命之

問晉命已所止之宜雖

君之有魯喪亦敕邑之憂也

言鄭與魯亦有同姓之憂

若獲薦

幣

薦進也

修垣而行

行去也

君之惠也敢憚勤勞文伯

復命

反命于晉君

趙文子曰信

信如子產言

我實不德而以

隸人之垣以羸諸侯

羸受也

是吾罪也使士文伯謝

不敏焉晉侯見鄭伯有加禮

禮加敬

厚其宴好而歸

之乃築諸侯之館

襄三十一  
年左氏傳

鄭伯如晉拜成子

游相

子游公  
子偃

授玉于東楹之東

禮授玉兩楹之間  
鄭伯行疾故東過

士貞伯曰鄭伯其死乎自棄也已視流而行速不

安其位宜不能久

視流不端諦也  
成六年左傳

定公十五年

春邾隱公來朝

邾子益

子貢觀焉邾子執玉高其容

仰公受玉卑其容俯

玉朝者之贊

子貢曰以禮觀之二

君皆有死亡焉夫禮死生存亡之體也將左右周

旋進退俯仰於是乎取之朝祀喪戎於是乎觀之

今正月相朝而皆不度

不合法度

心已亡矣嘉事不體

何以能久

嘉事朝禮

高仰驕也卑俯替也驕近亂替近

疾君為主其先亡乎

為此年公薨哀七年以邾子益歸傳左氏傳

諸侯未及期相見曰遇相見於郤地曰會

及至也郤間也遇會禮亡

禮

曲

右會遇

春齊侯將平宋衛

平宋衛于鄭

有會期宋公

以幣請于衛請先相見

宋敬齊命

衛侯許之故遇于犬

丘

犬丘垂也衛地及宋公遇于清

註云遇者草次之期

隱八年左氏傳隱四年公

其禮若道路相逢遇也

定公與齊侯會于夾谷至會所為

壇位土階三等以遇禮相見

會遇之禮禮之簡略者也家語

子太叔曰昔文襄之霸也令諸侯有事而會不協

而盟

昭三年左氏傳

楚子合諸侯于申椒舉言於楚子

曰夏啟有鈞臺之享

啟禹子河南陽翟縣南有鈞臺破蓋啟享諸侯于此商

湯有景亳之命

河南鞏縣西南有湯亭或言亳即偃師

周武有孟津

之誓

將伐紂也

成有岐陽之蒐

成王歸自奄大蒐於岐山之陽岐山在扶風美

陽縣西北

康有鄴宮之朝

鄴在始平鄠縣東有靈臺康王於是朝諸侯

穆有

塗山之會

穆王會諸侯于塗山塗山在壽春東北

齊桓有召陵之師

在僖四年

晉文有踐土之盟

在僖二十八年

君其何用王曰吾

用齊桓

用會召陵之禮

王使問禮于左師與子產左師曰

小國習之大國用之敢不薦聞

言所聞謙示所未行

獻公合

諸侯之禮六

其禮六儀也宋衛公故獻公禮

子產曰小國共職敢

不薦守獻伯子男會公之禮六

鄭伯爵故獻伯子男會公之禮其禮

同所從言之異

君子謂合左師善守先代子產善相小國

昭四年左氏傳

公會吳于郢

吳欲霸中國

吳來徵百牢子服

景伯對曰先王未之有也吳人曰宋百牢我

是時吳過

宋得百牢

魯不可以後宋且魯牢晉大夫過十

晉大夫范鞅也

在昭二十一年

吳王百牢不亦可乎景伯曰晉范鞅貪而

棄禮以大國懼敝邑故敝邑十一牢之君若以禮

命於諸侯則有數矣

有常數

若有棄禮則有淫者矣



淫過也

周之王也制禮上物不過十二

上物天子之宰

以為

天之大數也

天有十二次故制禮象之

今棄周禮而曰必百牢

亦唯執事吳人弗聽乃與之

哀七年左氏傳

哀公會晉

侯及吳子于黃池吳人將以公見晉侯子服景伯

對使者曰王合諸侯則伯帥侯牧以見于王

伯王官伯

侯牧方伯

伯合諸侯則侯帥子男以見於伯

伯諸侯長

自王

以下朝聘玉帛不同故敝邑之職貢於吳有豐於晉無不及焉以為伯也今諸侯會而君將以寡君

見晉君則晉成為伯矣敝邑將改職貢魯賦於吳

八百乘若為子男則將半邾以屬於吳邾三百乘而

如邾以事晉邾如邾六百乘且執事以伯召諸侯而以侯

終之何利之有焉吳人乃止既而悔之謂景伯欺之哀十

三年左僖公二十九年公會王子虎晉狐偃宗

氏傳公孫固齊國歸父陳轅濤塗秦小子憖盟于翟泉

卿不書罪之也晉侯始霸翼戴天子諸侯輯睦王室無虞而王子虎下盟列國以瀆

大典諸侯大夫上敵公侯虧禮傷教故貶諸大夫諱公與盟在禮卿不會公侯

會伯子男可也

大國之卿當小國之君故可以會  
伯子男諸卿之見貶亦兼有此闕

故傳重發之

左氏傳

禮書綱目卷十五

欽定四庫全書

禮書綱目卷十六

婺源江永撰

覲禮

賓禮七

經

鄭目錄云覲見也諸侯秋見天子之禮春見曰朝夏見曰宗秋見曰覲冬見曰遇朝宗禮備覲遇禮省是以享獻不見焉三時禮七唯此存爾覲禮於五禮屬賓禮

覲禮

右篇目

凡言朝見之期與待賓客之禮皆附于下

舜典五載一巡狩

羣后四朝敷奏以言明試以功車服以庸

五載之內天子

巡狩者一諸侯來朝者四蓋巡狩之明年則東方諸侯來朝於天子之國又明年則南方之諸侯來朝又明年則西方之諸侯來朝又明年則天子復巡狩是則天子諸侯雖有尊卑而一往一來禮無不答是以上下交通而遠近治和也敷陳奏進也周禮曰民功曰庸程子曰敷奏以言者使各陳其為治之說言之善者則從而明考其功有功則賜車服以旌異之其言不善則亦有以告飭之也周官六年五服一朝五服侯甸男采衛也六年

一朝會京師

周禮邦畿方千里其外方五百里謂之

侯服歲壹見其貢祀物又其外方五百里謂之甸服二歲壹見其貢嬪物又其外方五百里謂之男

服三歲壹見其貢器物又其外方五百里謂之采

服四歲壹見其貢服物又其外方五百里謂之衛

服五歲壹見其貢財物又其外方五百里謂之要

服六歲壹見其貢貨物

要服蠻服也此六服去王城三千五百里相距七千

里公侯伯子男封焉其朝貢之歲四方各四分趨四時而來或朝春或宗夏或覲秋或遇冬祀貢者

犧牲之屬故書嬪作嬪鄭司農云嬪物婦人所為物玄謂絲象也器物尊異之屬服物玄纁絺纈也

材物八材也貨物龜貝也九州之外謂之蕃國世壹見各以其

所貴寶為贄

九州之外夷服鎮服蕃服也曲禮曰其在東夷北狄西戎南蠻雖大曰子

春秋傳曰杞桓公以夷禮故曰子然則九州之外其君皆子男也無朝貢之歲父死子立及嗣王即位乃一來耳各以其所貴寶為贄則蕃國之君無執王瑞者是謂其君為小賓臣為小客所貴寶見傳者若天戎獻白狼白鹿是也其餘則周書王會備焉秋官大行人記諸侯之

於天子也比年一小聘三年一大聘五年一朝

比年

每歲也小聘使大夫大聘使卿朝則君自行然此大聘與朝晉文公時所制也虞夏之制諸侯歲朝周之制侯甸男采衛要服六者各以其服數來朝天子無事與諸侯

相見曰朝

事謂征伐

考禮正刑一德以尊于天子

同上

大宗伯以賓禮親邦國春見曰朝夏見曰宗秋見



曰覲冬見曰遇

本文此下云時見曰會殷見曰同此六禮以諸侯見王為文六服

之內四方以時分來或朝春或宗夏或覲秋或遇冬名殊禮異更遞而徧朝猶朝也欲來之早宗尊也欲其尊王覲之言勤也欲其勤王之

事遇偶也欲其若不期而俱至

春官

大行人

掌大賓之禮及大客之儀以覲諸侯

大賓要服以內諸侯大客

謂孤

春朝諸侯而圖天下之事秋覲以比邦國之

功夏宗以陳天下之謨冬遇以協諸侯之慮

此下

云時會以發四方之禁殷同以施天下之政六事者以王見諸侯為文圖比陳協皆考績之言王者春見諸侯則圖其事之可否秋見諸侯則比其功之高下夏見諸侯則陳其謀之是非冬見諸侯

則合其處之異同六服以其朝歲四時分來更迭  
如此更迭而徧司馬法曰春以禮朝諸侯圖同事  
夏以禮宗諸侯陳同謀秋以禮覲諸侯比同功冬  
以禮遇諸侯圖同慮時以禮會諸侯施同政殷以  
禮宗諸侯發  
同禁秋官

大宰以八統詔王馭萬民八曰禮

賓

禮賓賓客諸侯所以示民親仁善鄰

以九式均節財用二曰賓客

之式六曰幣帛之式

幣帛所以贈勞賓客者天官

小宰以官

府之六聯合邦治二曰賓客之聯事以灋掌賓客

之戒具

法謂其禮法也戒具戒官有事者所當共

令百官府共其財用

同上

宰夫凡禮事贊小宰比官府之具

比校次之上

大府邦中之賦以待賓客

同上

大行人以九儀

辨諸侯之命等諸臣之爵以同邦國之禮而待其

賓客

九儀謂命者五公侯伯子男也  
爵者四孤卿大夫士也

秋官

小行人掌

邦國賓客之禮籍

詳見王朝邦國遣使禮

司儀凡四方之

賓客禮儀辭命餼牢賜獻以二等從其爵而上下

之

上下猶豐殺也  
秋官

掌客掌四方賓客之牢禮餼獻

飲食之等數與其政治

政治邦新殺禮之屬也  
同上

掌詔掌

邦國之等籍以待賓客

等九儀之差數  
凡言客者謂諸侯聘問之  
同上

臣王朝邦國遣使篇當於此考之下皆同

至于郊

郊謂近郊去王城五十里

右至郊

諸侯出行及逆積問勞之禮附于下

記孔子曰諸侯適天

子必告于祖奠于禩

皆奠幣以告之五文也

冕而出視朝

聽國

事也諸侯朝天子必禩冕為將廟受也禩冕者公衮侯伯鷩子男毳

命祝史告于社

稷宗廟山川

臨行又徧告宗廟孝敬之心也

乃命國家五官而後

行

五官五大夫與事者命者敕之以其職

道而出

祖道也聘禮出祖釋轍祭酒脯也

告者五日而徧過是非禮也

既告不敢久留

凡告用牲幣

反亦如之

牲當為制字之誤也制幣一丈八尺曾子問

諸侯將出宜

乎社造乎禴

宜造皆祭名王制

諸侯將出必以幣帛皮

圭告于祖禴遂奉以出載於齊車以行毋舍奠焉

而後就舍

以脯醢禮神乃敢即安也所告而不以出即埋之曾子問

諸侯

朝天子見日而行逮日而舍奠

舍奠每將舍奠行主同上

司關凡四方之賓客敬關則為之告

賓客謂朝聘者叩關猶謁

關人也鄭司農說以國語曰周之秩官有之曰敬國實至關尹以告行理以節逆之地官

蜡氏凡國之大祭祀令州里除不蠲禁刑者任人

及凶服者以及郊野大賓客亦如之

為饗讀如吉圭

潔也刑者黥剝之屬任人司圜所收教罷民也凶服衰經也此所禁除者皆為不欲見人所穢也

也秋官

小行人凡諸侯入王則逆勞于畿

鄭司農云入王

朝于王也故春秋傳曰宋公不王又曰諸侯有王王有巡狩同上

訝士邦有賓

客則與行人送逆之入于國則為之前驅而辟野

亦如之

送逆謂始來及去也入國八野自以時事同上

掌訝若將有

國賓客至則告官修委積與士逆賓於疆為前驅

而入

官謂牛人羊人舍人委人之屬士訝士也既戒乃出迎賓

及宿則令聚橐

令令野廬氏

及委則致積

以王命致于賓同上

環人掌送逆

邦國之通賓客以路節達諸四方

通賓客以常事往來者也路節

旌節也四方圻上

舍則授館令聚橐有任器則令環之

令

野廬氏也鄭司農云四方人有任器者則環人主令殉環守之

凡門闕無幾送逆

及疆

鄭司農云門闕不得苛留環人也玄謂環人送逆之則賓客出入不見幾同上

野廬氏若有賓客則令守涂地之人聚橐之有相

翔者誅之

守涂地之人道所出廬宿旁民也相翔猶昌翔觀同者也鄭司農云聚橐之聚

擊橐以宿衛之也有奸人相翔于賓客之側則誅之不得令寇盜賓客同上

大司徒

大賓客令野修道委積

令遺人使為之也少曰委多曰積皆所以給賓客

官地

遂人凡賓客令修野道而委積

委積於廬宿市同

上

遂師賓客則巡其道修庀其委積

巡其道修行治道路

也故書庀為比鄭司農云讀為庀庀具也

同上

遺人郊里之委積以

待賓客凡賓客掌其道路之委積凡國野之道十

里有廬廬有飲食三十里有宿宿有路室路室有

委五十里有市市有候館候館有積

廬若今野候徒有房也宿

可止宿若今亭有室矣候館樓可觀望者也一市之間有三廬一宿

同上

委人以



稍聚待賓客

聚凡畜聚之物也

賓客共其芻薪

同上

牛人

凡賓客之事共其積膳之牛

積所以給賓客之用若司儀職曰主國五

積者也致饗餼

詳見同上

羊人賓客共其灋羊

注見致饗餼夏官

上公之禮出入五積三問三勞侯伯之禮出入

四積再問再勞子男之禮出入三積壹問壹勞

出入

謂從來訖去也每積有牢禮米禾芻薪凡數不同者皆降殺問問不恙也勞謂苦倦之也皆有禮以幣致之大行人

鄉士大賓客則各掌其鄉之禁令帥

其屬夾道而蹕

屬中士以下秋官

司門凡四方之賓客

造焉則以告

造猶至也告告于王而止客以俟逆地官

王使人皮弁用璧勞侯氏亦皮弁迎于帷門之外再拜

小行人職曰凡諸侯入王則逆勞于畿則郊勞者大行人也皮弁者天子之朝朝服也璧無束帛者天子之玉尊也不言諸侯言侯氏者明國殊舍異禮不凡之也郊舍狹寡為帷宮以受勞掌舍職曰為帷宮設旌門使

者不答拜遂執玉三揖至于階使者不讓先升侯氏升

聽命降再拜稽首遂升受玉

不答拜者為人使不當其禮也不讓先升奉王命尊

也升者升壇使者東面致命侯氏東階上西而聽之

使者左還而立侯氏還璧使

者受侯氏降再拜稽首使者乃出

左還還南面示將去也立者見侯氏將有

事於已侯之也還玉重禮

侯氏乃止使者使者乃入侯氏與之讓升

侯氏先升受几侯氏拜送几使者設几答拜

侯氏先升實禮統焉

几者安賓所以崇優厚也上介出止使者則已布席也

侯氏用束帛乘馬僨使者

使者再拜受侯氏再拜送幣

僨使者所以致尊敬也拜者各於其階

使者

降以左驂出侯氏送于門外再拜侯氏遂從之

駢馬曰驂左驂

設在西者其餘三馬侯氏之士遂以出授使者之從者于外從之者遂隨使者以至朝

右郊勞 小行人及郊勞為承而擯

本文郊勞下有祗館將幣

字 祗館致館也承猶丞也王使勞賓於郊致館於賓至將幣使宗伯為上擯皆為之丞而擯之

秋官

記案十有二寸棗梟十有二列諸侯純九大

夫純五夫人以勞諸侯

純猶皆也鄭司農云案王

案王飾案也夫人王后也記時諸侯猶稱王而夫

人之號不別是以同王后於夫人也王案十二以

為列王后勞朝諸侯皆九列聘大夫皆五列則十

有二列者勞二王之後也棗梟實于器乃加于紫

聘禮曰夫人使下大夫勞以二竹簋方玄被纁裡

有蓋實棗蒸栗擇兼執之以進考工記玉人

天子賜舍

以其新至道路勞苦未受其禮且使即安也

擯今文

曰伯父女順命于王所賜伯父舍

此使者侯氏

再拜稽首

受館賓之者尊王使也侯氏授

館于外既則  
僨使者于內

右賜舍

小行人眠館為承而擯

詳見上章

掌訝至

于國賓入館次于舍門外待事于客

次如今官府門外更衣處

待事于客通其所求索

凡從者出則使人道之

從者凡介以下也人其屬

胥徒也使道賓客之從者營護之

凡訝者賓客至而往詔相其事

而掌其治令

秋官

訝士居館則帥其屬而為之蹕

誅戮暴客者

同上

司隸邦有賓客之事則役其煩

辱之事

煩猶劇也同上

宰夫掌賓賜之殮牽與其陳

數

鄭司農云殯夕食也春秋傳曰殯有陪鼎牽牲牢可牽而行者春秋傳曰餼牽竭矣玄謂殯客

始至所致禮凡此禮陳數存可見者唯有行人掌客及聘禮公食大夫天官殯中他物詳見致

餼饗

天子使大夫戒曰某日伯父帥乃初事

大夫者卿為訢者也掌訢職曰

凡訢者賓客至而往詔相其事戒猶告也其為告使順循其事也初猶故也

侯氏再拜稽首

受觀日也

右戒日

諸侯前朝皆受舍于朝同姓西面北上異姓東面北上

言諸侯者明來朝者衆矣顧其入覲不得並耳受舍于朝受次于文王廟門之外聘禮記曰宗人受次次以惟少退于君之次則是次也言舍者尊舍也天子使掌次為之諸侯上介先朝受焉此覲也言朝者覲遇之禮雖簡其來之心猶若朝也分別同姓異姓受之將有先後也春秋傳曰寡人若朝于薛不敢與諸任齒則周禮先

姓同

右受舍

凡王朝戒令皆附見于下

幕人凡朝覲共其帷幕幄

帟綬

共之者掌次當以張詳見會同天官

掌次諸侯朝覲則張

大次小次

大次亦初往所止居小次即宮待事之處同上

射人有大

賓客則作卿大夫從

作者選使从王見諸侯

戒大史及大夫

介

戒戒其當行者觀禮曰諸公奉篋服加命書于其上升自西階東而太史氏右夏官

司士凡會同作士從賓客亦如之

作士从謂可使于王者同

上

諸子賓客作羣子從

从于王同上

大史朝覲以

書協禮事

詳見會同篇春官

小史大賓客佐大史凡國

事之用禮法者掌其小事

同上

雞人大祭祀夜呼

旦以詔百官凡國之大賓客亦如之

夜夜漏未盡雞鳴時也呼

旦以警起百官使夙興同上

司烜氏凡邦之大事共墳燭庭

燎

故書墳為蕢鄭司農云蕢燭麻燭也玄謂蕢大也樹于門外曰大燭于門內曰庭燎皆所以昭



衆為明  
秋官

侯氏裨冕釋幣于禩

將覲實明時也裨冕者衣裨衣而冠冕也裨之言婢也天子六服大

裘為上其餘為裨以事尊卑服之而諸服亦服焉上公袞無升龍倭伯鷩子男毳孤絺鄉大夫玄此差司服所掌也禩謂行主遷主矣而云禩親之也釋幣者告將覲也其釋幣如聘大夫將受命釋幣于禩之禮既則祝藏其幣歸乃埋之于祧西階之東

右釋幣于禩記諸侯裨冕以朝

朝天子也裨冕公衮侯伯鷩子

男義也  
玉藻

乘墨車載龍旂弧韜乃朝以瑞玉有繅

墨車大夫制也乘之者入天子

之國車服不可盡同也交龍為旂諸侯之所建弼所以張繆之弓也弓衣曰鞬瑞玉謂公桓圭侯信圭伯躬圭

子穀璧男蒲璧繅所以藉玉以韋衣木廣袤各如其玉之大小以朱白蒼為六色今文玉為圭繅或為璫天

子設斧依于戶牖之間左右几依如今綈素屏風也有

謂之黼几玉几也左右者優至尊也其天子衮冕負斧

依衮衣者裨之上也繅之繡之為九章其龍天子有升龍有降龍衣此衣而冠冕南鄉而立以俟諸侯見

畱夫承命告于天子畱夫蓋司空之屬也為末擯承命於侯氏下介傳而上上擯以告天

子天子見公擯者五人見侯伯擯者四人見子天子曰男擯者三人皆宗伯為上擯春秋傳曰畱夫馳天子曰

非他伯父實來予一人嘉之伯父其入予一人將受之

言非他者親之辭嘉之者美之辭也上擯又傳此而下  
至嚮夫侯氏之下介受之傳而上上介以告其君君乃  
許入今文實侯氏入門右坐奠圭再拜稽首入門右執  
作寔嘉作賀  
由賓之位也卑者謁謂告也上擯告以天子前  
見尊奠摯而不授擯者謁辭欲親受之如賓客也其辭  
所易者曰侯氏坐取圭升致命王受之玉侯氏降階東  
伯父其升侯氏坐取圭升致命王受之玉侯氏降階東  
北面再拜稽首擯者延之曰升升成拜乃退擯者請之  
侯氏坐取  
圭則遂左降拜稽首送玉  
也從後詔禮曰延延進也

右觀 凡賓客諸侯有卿訝

此謂朝觀之日王所  
使迎賓于館之訝

掌訝

掌訝及將幣為前驅

道之以  
如朝

至于朝詔其位

入復

鄭司農云詔其位告客以其位次也入復客入則掌訝出復其故位也玄謂入復者入告

王以客至也

秋官 記偏駕不入王門

在旁與已同曰偏同姓金輅異姓象

輅四衛革輅蕃國木輅駕之與王同謂之偏駕不入王門乘墨車以朝是也偏駕之車舍之于館與

經記

本 司常日月為常交龍為旂

王畫日月象天明也諸侯畫交

龍一象其升朝一象其下復也

凡祭祀各建其旗賓客亦如之賓客

朝覲宗遇王乘金輅建其大常春官

典瑞公執桓圭侯執信圭

伯執躬圭繅皆三采三就子執穀璧男執蒲璧繅

皆二采再就以朝覲宗遇于王

三采朱白蒼二采朱綠也鄭司農云

以圭璧見于王觀禮曰侯氏入  
門右坐奠圭再拜稽首

同上

所以朝天子圭

與纁皆九寸剡上寸半厚半寸博三寸纁三采六

等朱白蒼玄纁繫長尺紃組

聘禮記  
詳見聘禮

大行人

辨諸侯之命以同邦國之禮上公之禮執桓圭九

寸纁藉九寸冕服九章建常九旒樊纓九就貳車

九乘介九人其朝位賓主之間九十步立當車軹

擯者五人諸侯之禮執信圭七寸纁藉七寸冕服

七章建常七旒樊纓七就貳車七乘介七人朝位

賓主之間七十步立當前疾擯者四人諸伯執躬圭其他皆如諸侯之禮諸子執穀璧五寸纁藉五寸冕服五章建常五旂樊纓五就貳車五乘介五人朝位賓主之間五十步立當車衡擯者三人諸

男執蒲璧其他皆如諸子之禮

纁藉以五采韋衣板若奠玉則以藉

之冕服著冕所服之衣也九章者自山龍以下七章者自華蟲以下五章者自宗彛以下也常旌旂也旂其屬終垂者也樊纓馬飾也以屬飾之每一處五采備為一就就成也貳副也介輔已行禮者也朝位謂大門外賓下車及王車出迎所立處也王始立大門內交擯三辭乃乘車而迎之齊僕為

之節上公立當軹侯伯立當疾子男立當衡王立當軫與鄭司農云車軹軹也前疾謂駟馬車轅前胡下垂柱地者介幾人下有牢禮之數見後饗禮章擯者幾人之下有廟中將幣三享云云見享章有饗食禮見嘉禮饗食燕記

凡諸侯之王事辨

其位正其等協其禮賓而見之

王事以王之事來也詩云莫敢不來

王孟子曰諸侯有王

秋官

凡諸侯之適子誓于天子攝其

君則下其君之禮一等未誓則以皮帛繼子男

誓猶

命也言誓者明天子既命以為之嗣樹子不易也春秋桓九年曹伯使其世子射姑來朝行國君之禮是也公之子如侯伯而執圭侯伯之子如子男而執璧子男之子與未誓者皆次小國之君執皮

帛而朝會焉其賓之皆以  
上卿之禮焉春官典命

司服大賓客共其衣

服而奉之

奉猶送也送之  
于王所春官

校人朝覲毛馬而頒

之

毛馬齊其色也頒  
授當乘之夏官

典路大祭祀則出路贊駕

說大賓客亦如之

亦出路當陳之鄭司農說漢朝  
上計律陳屬車于庭故曰大賓

客亦如之

春官

齊僕掌馭金路以賓

以待賓客  
夏官

齊

右掌賓客前齊車

齊車金路王自整齊之車也前  
之者已駕王未乘之時同上

大司寇凡朝覲前王

秋官

小司寇大賓客前王

而辟

鄭司農云小司寇為王道辟除姦人也若  
今時執金吾下至令尉奉引矣同上



旅賁氏賓客則服而趨

服而趨夾王車趨也會同賓客王亦齊服服袞冕則

此士之齊服服玄端夏官

節服氏掌朝覲袞冕六人維王

之大常

服袞冕者以王服也維維之以縷王旌十

旌曳地鄭司農云維持之同上

司几筵凡大朝覲王位設黼

依依前南鄉設莞筵紛純加繅席畫純加次席黼

純左右玉几

斧謂之黼其繅白黑采以絳帛為質依其制如屏風然於依前為王設席

左右有几優至尊也鄭司農云紛讀為幽又讀為和粉之粉謂白繅也純謂為均服之均純綠也繅讀為藻率之藻次席虎皮為席書顧命曰成王將崩命大保芮伯畢公等被冕服馮玉几玄謂紛如

綬有文而狹者縹席削蒲弱展之編以五采若今合歡矣畫為雲氣也次席桃枝席有次列成文

春官

几俟于東廂

王即席乃設之也東箱東夾之前相翔待事之處本經記

大僕賓客正王之服位詔法儀

詔告也夏官

大宗

伯朝覲則為上相

相詔王禮也出接賓曰擯入詔禮曰相相者五人卿為上擯

春官

小行人將幣為承而擯

詳見郊勞章

司儀掌九

儀之賓客擯相之禮以詔儀容辭令揖讓之節

出接

賓曰擯入贊禮曰相以詔者以禮告王

凡行人之儀不朝不夕不正

其主面亦不背客

謂擯相傳辭時也不正東鄉不正西鄉常視賓主之前卻得兩

鄉之而已  
秋官

五官之長曰伯是職方

謂為三公者周禮九命作

伯職主也是伯分主東西者春秋傳曰自陝以東周公主之自陝以西召公主之一相處于內是或

為氏其擯于天子也曰天子之吏

擯者辭也春秋傳曰王命委之三吏

謂三公也天子同姓謂之伯父異姓謂之伯舅

稱之以父與舅

親之之

九州之長入天子之國曰牧

每一州之中天子選諸侯

之賢者以為之牧也周禮曰乃施典于邦國而建其牧

天子同姓謂之叔父

異姓謂之叔舅

牧尊于大國之君而謂之叔父辟二伯也亦以此為尊禮或損之而

益謂此類也

其在東夷北狄西戎南蠻雖大曰子

謂九州之

外長也天子亦選其諸侯之賢者以為之子子猶牧也入天子之國曰子天子亦謂之子雖有侯伯之地本爵亦無過乎庶方小侯入天子之國曰某

子是以同名曰子

人謂戎狄子諸侯見天子曰臣某侯某

謂告夫承命

辭也其為州牧則曰天子之老臣某侯某奉主請覲某侯者國名某者人名曲禮

君天

下曰天子朝諸侯分職授政任功曰予一人

皆擯者辭

也天下謂外及四海也漢于蠻夷稱天子于王侯稱皇帝覲禮曰伯父實來予一人嘉之余予古今

字同上

凡自稱天子曰予一人

謙自別于伯曰天

子之力臣

伯上公也命分陝

諸侯之于天子曰某土之守

臣某其在邊邑曰某屏之臣某

邊邑謂九州之外王藻

訃

士客出入則道之

出入謂朝覲于王時也春秋傳曰晉侯受策以出出入三覲

秋官

天子執冒四寸以朝諸侯

名王曰冒者言德能覆蓋天下也四

寸者方以尊接卑以小為貴考工記玉人

天子當依而立諸侯北

面而見天子曰覲天子當宁而立諸公東面諸侯

西面曰朝

諸侯春見曰朝受摯于朝受享于廟生氣文也秋見曰覲一受之于廟殺氣質

也朝者位于內朝而序進覲者寓于席門外而序入王南面立于依宁而受焉夏宗依春冬遇依秋

春秋時齊侯唁魯昭公以遇禮相見取易略也覲禮今存朝宗遇禮今亡曲禮

奠圭

于繅上

謂釋于地也  
本經記

掌訝及退亦如之

文承前  
入復之

下

鄭司農云客退復入迎為之前驅至  
于館也玄謂亦如之如其為前驅  
秋官

象胥

掌蠻夷閩貉戎狄之國使

詳見  
遣使

若以時入賓則協

其禮與其辭言傳之

以時入賓謂其君以  
世一見來朝為賓者

凡其出

入送逆之禮節幣帛辭令而賓相之

以來至去皆  
為擯而相侑

其禮儀

同上

曾子問曰諸侯禮見天子入門不得終

禮廢者幾

旅

孔子曰四請問之曰太廟火日食后

之喪雨霑服失容則廢

大廟始祖廟宗廟  
皆然主于始祖耳

如諸侯

皆在而日食則從天子救日各以其方色與其兵

示奉時事將有所討也方色者東方衣青南方衣赤西方衣白北方衣黑兵未聞也大廟火

則從天子救火不以方色與兵

曾子問

舜典輯五

瑞既月乃日觀四岳羣牧班瑞于羣后

輯斂瑞信也公執桓

圭侯執信圭伯執躬圭子執穀璧男執蒲璧五等諸侯執之以合符于天子而驗其信否也周禮天

子執冒以朝諸侯鄭氏註云名王以冒其德覆冒天下也諸侯始受命天子錫以圭圭頭斜銳其冒

下斜刻小大長短廣狹如之諸侯來朝天子以刻處冒其圭頭有不同者即辨其偽也既盡觀見四

岳四方之諸侯羣牧九州之牧伯也程子曰輯五瑞徵五等之諸侯也此以上皆正月事至盡此月

則四方之諸侯有至者矣遠近不同來有先後故  
日日見之不如他朝會之同期于一日蓋欲以少  
接之則得盡其詢察禮意也班願同羣后即侯牧  
也既見之後審知非偽則又頒還其瑞以與天子  
也正始

昔者周公朝諸侯于明堂之位天子負斧

依南鄉而立

負之言背也斧宸為斧文屏風于戶  
牖之間按注以天子為周公其說

差異今

三公中階之前北面東上諸侯之位阼階

之東西面北上諸伯之國西階之西東面北上諸  
子之國門東北面東上諸男之國門西北面東上  
九夷之國東門之外西面北上八蠻之國南門之



外北面東上六戎之國西門之外東面南上五狄  
之國北門之外南面東上九采之國應門之外北  
面東上四塞世告至此周公明堂之位也

朝之禮不于此

周公權用之也朝位之上上近主位尊也九采九州之牧典貢職者也正門謂之應門二伯帥諸侯而人牧居外而糾察之也四塞謂夷服鎮服蕃服在四方為蔽塞者新君即位則乃朝周禮侯服歲一見甸服二歲一見男服三歲一見采服四歲一見衛服五歲一見要服六歲一見九州之外謂之蕃國世一見

明堂也者明諸侯之尊卑也

朝于此所以正儀辨等也

堂位

明

覲禮天子不下堂而見諸侯

正君臣也

下堂而

見諸侯天子之失禮也由夷王以下

夷王周康王之玄孫之子

也時微弱不敢自尊于諸侯郊特牲

四享皆束帛加璧庭實唯國所有

四當為三古書作三或皆積畫此篇又

多四字字相似由此誤也大行人職曰諸侯廟中將幣皆三享其禮差又無取于四也初享或用馬或用虎豹之皮其次享三牲魚腊邊豆之實龜也金也丹漆絲纊竹箭也其餘無常貨此地物非一國所能有唯所有分為三享皆以

奉束帛匹馬卓上九馬隨之中庭西上奠

幣再拜稽首

卓讀如卓王孫之卓卓猶的也以素的一馬以為上書其國名後當識其何產也馬

必十匹者不敢作王之乘用成數敬也

擯者曰予一人將受之

亦言王欲親受之

侯氏升致命王撫玉侯氏降自西階東面授宰幣西階

前再拜稽首以馬出授人九馬隨之

王不受玉撫之而已輕財也以馬出

隨侯氏出授玉人于外也王不使人受馬者至于享王之尊益君侯氏之界益臣

事畢

三享訖

右享

王禮賓事附于下

璧琮九寸諸侯以享天子

享獻也聘

禮享君以璧享夫人以琮玉人

圭以馬璋以皮璧以帛琮以

錦

五等諸侯享天子以璧享后用琮其大各如其瑞皆有庭實以馬若皮虎豹皮也用圭璋者

二王之後也二王後尊故享用圭璋而特之禮器曰圭璋特義亦通于此詳見諸侯相朝篇小

人行

小宗伯大賓客受其將幣之齎

謂所齎來貢獻之財物

春官

服不氏賓客之事則抗皮

鄭司農云謂賓客來朝聘布皮帛者

服不氏主舉藏之玄謂抗者若聘禮曰有司二人舉皮以東夏官

校人凡賓客

受其幣馬

賓客之幣馬來朝聘而享王者同上

上公之禮廟中

將幣三享王禮再裸而酢侯伯之禮廟中將幣三

享王禮壹裸而酢子男之禮廟中將幣三享王禮

壹裸不酢

廟受命祖之廟也故書裸作果鄭司農云三享三獻也裸讀為灌再灌再飲公

也而酢報飲至也玄謂三享皆束帛加璧庭實唯國所有朝士儀曰奉國地所出重物而獻之明臣職也朝先享不言朝者朝正禮不嫌有等也王禮王以鬱鬯禮賓也鬱人職曰凡祭祀賓客之裸事

和鬱鬯以實彛而陳之禮者使宗伯攝酌圭瓚而裸王既拜送爵又攝酌璋瓚而裸后又拜送爵是謂再裸再裸賓乃酢王也禮侯伯一裸而酢者裸賓賓酢王而已后不裸也裸子男一裸不酢者裸賓而已不酢王也不酢之禮

典瑞裸圭有瓚以

裸賓客

鄭司農云于圭頭為器可以挹鬯裸祭謂之瓚故詩曰邇彼玉瓚黃流在中國語謂

之鬯圭玄謂爵行曰裸漢禮瓚槃大五升口徑八寸下有槃口徑一尺

春官 鬱人掌

裸器

裸器謂彛及舟與瓚

凡賓客之裸事和鬱鬯以實彛而

陳之

築鬱金煮之以和鬯酒鄭司農云鬱草名十葉為貫百二十貫為築以煮之鑊中停于祭

前鬱為草若蘭

凡裸玉濯之陳之以贊裸事

裸玉謂圭瓚璋瓚詔

裸將之儀與其節

節謂王奉王送裸早晏之時

凡裸事沃盥

同上

小臣朝覲沃王盥

夏官

肆師大賓客蒞筵几筵

鬻

此王所以禮賓客

贊果將

酌鬱鬯授大宗伯載裸春官

大宗伯大

賓客則攝而載果

載為也果讀為裸代王裸賓客以鬯君無酌臣之禮言為者攝

酌獻耳拜送則王也鄭司農云王不親為主同上

小宗伯賓客以時將

瓚果

將送也猶奉也賓客以時奉而授宗伯天子圭瓚諸侯璋瓚同上

小宰凡

賓客贊裸凡受爵之事凡受幣之事

唯裸助宗伯其餘皆助大

宰王不酌賓客而有受酢大宗伯職曰大賓客則攝而載裸

內宰凡賓客之

裸皆贊

謂王同姓及二王之後來朝覲為賓客者裸之禮亞王而禮賓並天官

乃右肉袒于廟門之東乃入門右北面立告聽事

右肉袒者

刑宜施于右也凡以禮事者左袒入更从右者臣益純也告聽事者告王以國所用為罪之事也易曰折其右肱無咎

肱無咎

擯者謁諸天子天子辭于侯氏曰伯父無事歸寧

乃邦

謁告寧安也乃猶女也

侯氏再拜稽首出自屏南適門西

右請事

有治附見下

掌訝凡賓客之治令訝訝治之

賓客之治謂欲正其貢賦理國事也

以告訝訝為如朝而理之

秋官

訝士有治

則贊之

同上

大宰待四方之賓客之小治

大事決于王小

事冢宰專  
平 天官

遂入門左北面立王勞之再拜稽首擯者延之曰升升

成拜降出

王辭之不即左者當出隱于屏而襲之也天子外屏勞之勞其道勞也

右王勞

天子賜侯氏以車服迎于外門外再拜

賜車者同姓以金輅異姓以象

輅服則衮也驚也義也古文曰迎于門外也

路先設西上路下四亞之重賜

無數在車南

路謂車也凡君所乘車曰路路下四謂乘馬也亞之次車而東也詩云君子來朝何

錫予之雖無予之路車乘馬又何予之玄衮及黼重猶善也所加賜善物多少由恩也春秋傳曰重錦三十兩



諸公奉篋服加命書于其上升自西階東面大史是右

言諸公者王同時分命之而使賜侯氏右讀如周公右王之右是右者始隨入于升東面乃居其右古文是為氏侯氏升西面立太史述命諸王命書也侯氏降兩階之間

北面再拜稽首

受命

升成拜

大史辭之降也

春秋傳曰且

此辭之類

大史加書于服上侯氏受

受篋服

使者出侯氏送再

拜儼使者諸公賜服者束帛四馬儼大史亦如之

既云拜送

乃云儼使者以勞有成禮略而遂言

同姓大國則曰伯父其異姓則曰伯

舅同姓小邦則曰叔父其異姓小邦則曰叔舅

據此禮云伯父

同姓大  
邦而言

右賜車服 內府掌受九貢九賦九功之貨賄良

兵良器以待邦之大用

大用朝覲之  
頒賜天官

小宗伯掌

衣服車旗宮室之賞賜

王以賞賜有  
功者春官

校人飾幣

馬執扑而從之

鄭司農云校人主飾之也幣馬以  
馬遣人當幣處者也聘禮曰馬則

北面奠幣于其前士喪禮下篇曰薦馬纓三就入  
門北面交轡圉人夾牽之馭者執策立于馬後

夏官 圉人凡賓客牽馬而入陳

賓客之馬王所以  
賜之者詩云雖無

予之路車乘  
馬同上

記所謂大輅者天子之車也龍旂

九旒天子之旌也青黑緣者天子之寶龜也從之

以牛羊之羣則所以贈諸侯也

贈諸侯謂來朝將去賜之以禮樂

記

君子來朝何錫予之雖無予之路車乘馬又

何予之玄衮及黼

君子諸侯也路車金路以賜同姓象路以賜異姓也玄衮玄衣

而畫以卷龍也黼如斧形刺之于裳也

黼如斧形小雅采芣

韓侯入覲以其介圭

入覲于王王錫韓侯淑旂綏章簟第錯衡玄衮赤

舄鈎膺鏤錫鞞靽淺幘絳革金厄

介圭封圭執之為贄以合瑞

于王也淑善也交龍曰旂綏章染鳥羽或旄牛尾為之注于旂竿之首為表章者也鏤刻金也馬首

上飾曰錫今當廬也鞞式中也謂兩較之間橫木可憑者也以鞞持之使牢固也淺虎皮也幘覆式

也字一作幣又作幘以有毛之皮覆式上也條革轡首也金厄以金為環纏轡首也大雅韓奕

饗禮

禮謂食燕也王或不親以其禮幣致之略言饗禮互文也掌客職曰上公三饗三食三燕侯伯再饗

再食再燕子男一饗一食一燕

右饗禮

詳見嘉禮饗食燕記篇致饗餼等經不具附見于下

宰夫凡朝

覲賓客以牢禮之法掌其牢禮委積膳獻飲食

牢禮

之法多少之差及其時也三牲牛羊豕具為一牢委積謂牢米薪芻給賓客道用也膳獻禽羞俶獻也飲食燕饗也天官上公之禮禮九牢侯伯禮七牢子

男禮五牢

禮大禮饗餼也三牲備為一牢

諸侯七介七

牢

諸侯七介七牢者周之侯伯也周禮上公九介九牢侯伯七介七牢子男五介五牢禮器

賓客之牛角尺

王制

牛人凡賓客之事共其牢

禮積膳之牛

牢禮殯饗也膳所以問禮賓客若掌客云殷膳大牢積注見前地官

羊人賓客共其法羊

法羊殯饗積膳之羊

外饗祭

祀共其脯脩刑臠陳其鼎俎實之牲體魚腊凡賓

客之殯饗饗食之事亦如之

殯客始至之禮饗既將幣之禮致禮于客

莫盛于饗

天官

亨人祭祀共鉶羹賓客亦如之

鉶羹加鹽

菜矣同上

酒人凡祭祀共酒以往賓客之陳酒亦如

之

謂若歸饗餼之酒亦自有奉之者以酒以往同上

饌人凡賓客共其

簋簋之實

謂致殯饗地官

舍人凡祭祀共簋簋實之

陳之

方曰簋圓曰簠盛黍稷稻粱器

賓客亦如之共其禮車米芻

米芻禾

禮致饗餼之禮同上

春人賓客共其牢禮之米

謂可以實筐

醢人賓客之禮共醢五十瓊

致饗餼時

天

醢人賓客之禮共醢五十瓊

同上

典瑞璋

邠射以造贈賓客

璋有邠而射鄭司農云射刺也春官

玉人璋

邱射素功以致稍餽

邱射刺而出也致稍餽造賓客納果食也鄭司農云素功

無瑑飾也

考工記

庖人共賓客之禽獸

禽獸獸禽于賓客獸古文為獸

杜子春云

凡令禽獸以法授之其出入亦如之

令

當為獸

獸人也禽獸不可久處賓客至將獻之庖人乃令獸人取之必書所當獻之數與之及其來致禽亦

以此書校數之至于獻賓客又以此書付使者展而行之掌客乘禽于諸侯各如其命之數聘禮乘

禽於客日如其饗餼之數

漿人共賓客之稍禮

士中日則二雙天官稍禮非殮饗之禮留間王稍所給賓客者漿人所給亦六飲而已同上

內宰致后

之賓客之禮

謂諸侯來朝覲及女賓之賓客同上

乃歸

右乃歸

還主附見于下

諸侯執所受圭與璧朝于天子

無過者復得其圭以歸其有過者留其圭能正行

者復還其圭三年圭不復少絀以爵

尚書大傳

訝人

與行人送之

詳見至郊章

掌訝及歸送亦如之

如之者送

至于竟如其前驅聚棹待事之屬秋官

司儀凡賓客送逆同禮

謂郊

勞郊送之屬同上

環人凡門闕無幾送及疆

詳至郊章

反

必告設奠卒斂幣玉藏諸兩階之間乃出

曾子問



凡告用牲幣反亦如之

詳至郊章

朝事儀

賓禮八

古者聖王明義以別貴賤以序尊卑以體上下然後民知尊君敬上而忠順之行備矣是故古者天子之官有典命官掌諸侯之儀大行人掌諸侯之儀以等其爵故貴賤有別尊卑有序上下有差也典命諸侯之五儀諸臣之五等以定其爵故貴賤有別尊卑有序上下有差也故朝聘之禮各執其圭瑞服其服乘其輅建其旌旗

施其樊纓從其貳車委積之以其牢禮之數所以明別義也然後天子冕而執鎮圭尺有二寸藻藉尺有二寸搢大圭乘大輅建大常十有二旒樊纓十有再就貳車十有二乘率諸侯而朝日東郊所以教尊尊也退而朝諸侯為壇三成宮旁一門天子南鄉見諸侯土揖庶姓時揖異姓天揖同姓所以別親疎外內也公侯伯子男各以其旂就其位諸公之國中階之前北面東上諸侯之國東階之東西面北上諸伯之國西階之西東面北上

諸男之國門西北面東上及其將幣也公於上等

按此中當

有侯伯于中等子男于下等二句

所以別貴賤序尊卑也奠圭降拜升

成拜明臣禮也奉國地所出重物而獻之明臣職也肉袒入門而右以聽事也明臣禮職臣事所以教臣也率而祀天於南郊配以先祖所以教民報德不忘本也率而享祀於大廟所以教孝也與之大射以考其習禮樂而觀其德行與之圖事以觀其能儉而禮之三饗三食三宴以與之習立禮樂是故一朝而近者三年遠者六

年有德焉禮樂為之益習德行為之益修天子之命為之益行然後使諸侯世相朝交歲相問殷相聘以習禮考義正刑一德以崇天子故曰朝聘之禮者所以正君臣之義也諸侯附于德服于義則天下太平古者為諸侯不行禮義不修法度不附于德不服于義故使射人以射禮選其德行職方氏大行人以其治國選其能功諸侯之得失治亂定然後明九命之賞以勸之明九伐之法以震威之尚猶有不附于德不服于義者則使掌

交說故諸侯莫不附于德服于義者此天子之所以養諸侯兵不用而諸侯自為政之法也

大戴記

諸侯朝于

天子曰述職述職者述所職也一不朝則貶其爵再不

朝則削其地三不朝則六師移之

孟子

朝覲之禮所以

明君臣之義也聘覲之禮廢則君臣之位失諸侯之行

惡而陪畔侵陵之敗起矣

經解

殺上者生于不義義所

以別貴賤明尊卑也貴賤有別尊卑有序則民莫不尊上而敬長朝聘之禮者所以明義也義必明則民不犯

故雖有殺上之獄而無陷刑之民有犯殺上之獄者則

飭朝覲之禮

家語

朝覲然後諸侯知所以臣

樂記

朝聘

以時厚往而薄來所以懷諸侯也

朝謂諸侯見于天子聘謂諸侯使大夫來

獻王制比年一小聘三年一大聘五年一朝厚往薄來謂燕賜厚而納貢薄中庸

曹劌曰夫

禮所以正民也是故先王制諸侯使五年四王一相朝

也

賈侍中云王謂王事天子也歲聘以志業間朝以講禮五年之間四聘于王而一相朝者將朝天子先相

朝也唐尚書云先王謂堯也五載一巡狩諸侯四朝昭謂以堯典相參義亦似之然此欲以禮正君宜用周制

周禮中國凡五服遠者五歲而朝禮記曰諸侯之于天子也比年一小聘三年一大聘五年一朝謂此也晉文

公霸時亦終則講於會以正班爵之義終畢也講習也

則習禮于會以正爵班次也謂朝畢

位次序尊卑之義帥長幼之序訓上下之則也

財用之節謂牧伯差國大其間無由荒急其間朝會之

語莊公二十三年左氏傳云會以訓上下之則制財

然諸侯有王王有巡狩以大習之遠啟彊曰聖王務行禮朝聘有珪

珪以享信享信頰有璋享饗也頰見也既朝聘而小有述職諸

適夫子曰述職大有巡功設机而不倚爵盈而不飲

言務宴有好貨宴飲以貨為好衣殮有陪鼎熟食為殮

行禮服車馬在客所無陪加也加

鼎所以厚殷勤

入有郊勞

賓至逆勞之於郊

出有贈賄

去則贈之以貨賄

禮之

至也國家之敗失之道也則禍亂興

失朝聘宴好之道昭五年左氏傳

旅幣無方所以別土地之宜而節遠邇之期也

旅衆也邇

近也龜為前列先知也以鐘次之以和居參之也

鐘金也獻金為

作器鐘其大者以金參居庭實之間示和也

虎豹之皮示服猛也束帛加璧

往德也

郊特牲

王者不純臣諸侯故朝則迎之於著觀

則待之於阼階升降自西郊為庭燎設九賓享禮而後

歸是異於衆臣也

白虎通

王者始立諸侯皆見何當受



法稟政教也遠近莫不至受命之君天之所興四方莫  
敢違夷狄咸率服故也

同上

禮書綱目卷十六